



19. august 2022

UKA 2022/70

Inatsisartut ingerlatsinermut maleruagassaasa § 33 tunngavigalugu Inatsisartunut ukuningga aaliangiiffigisassatut siunnersuuteqarpunga:

**Inatsisartut aalajangiiffigisassaattut siunnersuut, Naalakkersuisut peqquneqassasut misissuissasut Royal Arctic Line Kalaallit Nunaannut avammullu assartuinissamut sullissinissamik akuersissutaata atuukkunnaarsinneqassappat pitsaaqutissai ajoqqutissaalu, taamatuttaarlu assartuinermit unammilleqatigiinneq eqqullugu. Misissuineq takussutississavaa sullissinissamik akuersissut peerlugu unammilleqatigiinnermillu eqqussineq aningaasatigut kingunissai qanoq isikkoqarnersut. Misissuineq Inatsisartunut UKA 2023 nallertinnagu tunniunneqassaaq.**

(Inatsisartunut ilaasortaq Jens-Frederik Nielsen, Demokraatit)

### **Tunngavilersuut**

Royal Arctic Line akilersueriaasia innuttaasunut inuussutissarsiortunullu paasiuminaassinnaasarpog, assartuinermit akitigut, ilanngaatigut, akitsuutitigut assigiinngitsutigullu akilersueriaaseqarnera peqqutigalugu.

Taamaattumik Royal Arctic Line Naalakkersuisullumi oqarunik assartuinermit aki 2015-miilli qaffanneqarsimangitsoq ilumoorpoq<sup>1</sup>. Taamaattoqaraluartorli innuttaasunut inuussutissarsiortunullu Royal Arctic Line kiffartuussinera atorniaaraanni akisunerungaatsialernikuusimavoq. Tamanna ilanngaatigineqartartunut, akitsuutinut allatigullu akinik qaffaanernit peqquteqarpoq.

Ukioq 2022 ingerlanera tamaat ingammik uuliamut aningaasallu nalinginut tapiliuttagaq qaffakkiartortoq. Maannakkut august qiteqqukkaa 30,73procentimi inissisimavoq<sup>2</sup>. Eqqummaariffigaaralu siunnersuut Inatsisartunut saqqummiunneqarpat kisitsi allanngoqqissimasinnaassammat.

Sanillersuukkaannilu ukioq 2021 naalernerani uuliamut aningaasallu nalinginut tapiliuttagaq 6,3 procentimiissimavoq. Taanna 1/1-2022 aallarnerfigalugu 13,6 procentimut qaffanneqarsimalluni.

Pissutsini allamiissimagaanni imaluunniit nunarsuup ilaanni allamiissimagaanni akitigut qaffaarujussuarnerit taamaattut kiffartuussisumut allamut nuunnermik kinguneqarsimassagaluarpoq. Kisiannili Kalaallit Nunaannut avammullu imaatigut assartuinerne taamaassinnaanngilagut. Tamaani Royal Arctic Line atortariaqarparput. Naalakkersuisullu tamanna allanngorusunngilaat.

Naalakkersuisut § 37 tunngavigalugu apeqquteqaammut 192-2021 ima akipput:

*“Royal Arctic Linep akuersissutaata atorunnaarsinneqarnissaa pilersaarutigineqanngilaq. Kalaallit Nunaannut, Kalaallit Nunaannit, Kalaallit Nunaatalu iluani imaatigut assartuinerup avammut ammanerulersinneqarnissaa, piffissami qaninnerusumi misissorluarnegarnikuunngilaq. Taamaallilluni*

<sup>1</sup> [https://ina.gl/documents/para3637/2021/svar/192\\_2021\\_RAL\\_JFNI\\_akissut.pdf](https://ina.gl/documents/para3637/2021/svar/192_2021_RAL_JFNI_akissut.pdf)

<sup>2</sup> <https://www.ral.gl/assartuineq/uuliamut-aningaasallu-nalinginut-tapiliuttagaq/>



*aamma naatsorsuusiorfiginegarnikuunngilaq.*<sup>3</sup>

Demokraatit isumaqarput kisermaassineq tamanna iliuuseqarfigisariaqaleripput. Kiffartuussinermi unammilleqatigiittoqarnissaa kissaatigaarput. Taamaattumik siunnersuutigaarput Naalackersuisut peqqissaarullugu misissuinissaat, kisitsinertalimmik ersarissarlugulu pitsaaqutit ajoqqutillu Royal Arctic Line sullissinissamik isumaqatigiissutaata peernerata kingunissai. Iluaqutertaqanngilaq nunatut periuseriuvaannarsimasagut malillugit ingerlaannaraluarutta. Ineriartortitsisariaqarput.

Demokraatiniit pingaartitaraarput inuiaqatigiit unammilleqatigiinneq iluaqutigissagaat. Isumaqarpugut sullissinermik akikinnerulersitsinermillu malitseqartartut. Isumaq tamanna aamma imaatigut assartuinnermut atuuppoq.

Neriuppugut Inatsisartut Naalackersuisullu misissuinissamut siunnersuutigineqartoq ilalissagaat.

**Pisortanut aningaasatigut allaffissornikkullu kingunissai**

Misissuinissamut siunnersuutigineqartoq suliarinerata atorfilliup ukiumut suliarisartagaasa 500.000 koruuninik naleqartartup qaangernissaanik nalilerneqanngilaq.

**Namminersorlutik inuussutissarsiuteqartunut aningaasatigut allaffissornikkullu kingunissai**

Soqanngilaq

**Innuttaasunut aningaasatigut allaffissornikkullu kingunissai**

Soqanngilaq

---

<sup>3</sup> [https://ina.gl/documents/para3637/2021/svar/192\\_2021\\_RAL\\_JFNI\\_akissut.pdf](https://ina.gl/documents/para3637/2021/svar/192_2021_RAL_JFNI_akissut.pdf)